

III. OUTRAS DISPOSICIÓNS**CONSELLERÍA DE EMPREGO, COMERCIO E EMIGRACIÓN**

ORDE do 28 de abril de 2025 pola que se establecen as bases reguladoras das subvencións para apoiar iniciativas de emprendemento e se procede á súa convocatoria para a anualidade de 2025 (código de procedemento TR880A).

A Constitución española, no seu artigo 40, establece un mandato que obriga os poderes públicos a promover as condicións favorables para o progreso social e económico e, de maneira especial, a realizar unha política orientada ao pleno emprego.

Tamén, de acordo coas bases e a ordenación da actuación económica xeral e a política monetaria do Estado, correspóndelle á Comunidade Autónoma de Galicia, nos termos do disposto no artigo 149.1.13 da Constitución española, a competencia exclusiva para o fomento e a planificación da actividade económica en Galicia, segundo o disposto no artigo 30.I.1 do Estatuto de autonomía de Galicia.

De conformidade con esas determinacións, aprobouse a Lei 9/2013, do 19 de decembro, do emprendemento e da competitividade económica de Galicia, que recolle entre os seus fins incentivar a creación e implantación de empresas e o seu posterior desenvolvemento, a través da xeración de cultura emprendedora, a formación, a flexibilización dos trámites administrativos, a ampliación dos prazos de validez dos permisos e a introdución de instrumentos financeiros, servizos específicos ás persoas emprendedoras e incentivos fiscais.

Son principios informadores a través dos cales se levarán a cabo as políticas públicas de promoción, protección, fomento e apoio da actividade emprendedora, tal e como se recolle no artigo 6 da Lei 9/2013, a mellora do tecido empresarial territorial endógeno, así como un patrón de crecemento baseado na competitividade, a innovación, a tecnoloxía e o crecemento económico dentro dun marco de desenvolvemento sustentable e temperará da actividade emprendedora, mediante accións que favorezan o fortalecemento das empresas.

Así pois, o apoio ás iniciativas de emprendemento de autónomos/as e pequenas e medianas empresas continúa a ser necesario, nun contexto caracterizado pola permanencia de incertezas económicas, como a alza inflacionista nos prezos, a crise enerxética e mesmo as perturbacións derivadas dun contexto internacional inestable, tanto no continente europeo como noutros puntos do planeta, ás que non resulta allea a economía galega,

CVE-DOG: 3f1wlrc8-60f4-i472-vbn0-t63vkkpt4r62



motivo polo que cómpre fortalecer a actividade económica, mediante axudas que, por unha banda, tratan de poñer remedio a esas ameazas para o crecemento da nosa economía e, por outra, fomentar o seu desenvolvemento sostido, ao tempo que se garante o mantemento dun emprego de calidade.

Nesta liña, hai que ter en conta que o tecido empresarial de Galicia está composto, na súa maioría, por microempresas e, principalmente, por persoas traballadoras autónomas, que son as principais protagonistas na creación de emprego. Por este motivo, a Xunta de Galicia impulsa medidas para fomentar o emprendemento e apoiar as persoas emprendedoras como axentes dinamizadores da economía na Comunidade Autónoma e que contribúen de xeito esencial á xeración de riqueza e emprego.

Froito desta aposta polas iniciativas en materia de emprendemento é o recoñecemento de Galicia como Rexión Emprendedora Europea 2025, o cal debe supoñer un estímulo para avanzar nunha maior equidade territorial, no impulso de iniciativas emprendedoras na Galicia non urbana, na diversificación das actividades económicas que se desenvolven nese contorno e no fortalecemento da colaboración do ecosistema emprendedor.

De acordo co disposto no Decreto 147/2024, do 20 de maio, polo que se establece a estrutura orgánica da Consellería de Emprego, Comercio e Emigración, correspóndelle a esta, entre outras materias, o exercicio das competencias relativas ao apoio ao emprendemento durante todas as fases da actividade emprendedora: tanto as actuacións necesarias para o comezo da actividade, como a súa realización efectiva posterior, incluída a implementación e o mantemento, con servizos de asesoramento, mentorización, así como de apoio económico ou doutra índole ao crecemento e o mantemento do emprego.

Por iso, a Consellería de Emprego, Comercio e Emigración dá continuidade ao apoio ás iniciativas de emprendemento iniciado no ano 2022 mediante unha nova convocatoria de axudas, co obxectivo de contribuír ao seu mantemento e á súa mellora competitiva.

Nela mantéñense os conceptos subvencionables do proxecto empresarial, ao tempo que se reducen os rangos de investimento e se incrementa a porcentaxe de intensidade da axuda vinculada a cada un, todo iso de cara a simplificar a súa xestión e mellorar o apoio ás iniciativas de emprendemento obxecto de subvención.

De igual maneira, tendo en conta que os gastos notariais e/ou rexistrals e os gastos de alugamento constitúen gastos habituais cando se decide poñer en marcha unha iniciativa emprendedora, esta convocatoria mantén, como unha forma adicional de apoio para as

CVE-DOG: 3f1wlrc8-60f4-i472-vbn0-t63vkkpt4f62



persoas emprendedoras, a posibilidade de subvencionar, nos termos e nas contías previstos na propia orde, os ditos gastos.

En canto ao procedemento de concesión, establécese a concorrència non competitiva, de acordo co previsto no artigo 19.2 da Lei 9/2007, do 13 de xuño, de subvencións de Galicia. Tendo en conta que a finalidade e o obxecto da subvención é o apoio e impulso de iniciativas de emprendemento de autónomos/as e pequenas e medianas empresas, non se considera necesario facer unha prelación das solicitudes presentadas, pois todas as persoas que cumpran os requisitos establecidos na convocatoria acadan a dita finalidade por igual, motivo polo que se regula un procedemento de concesión abreviado en que a proposta de concesión a formulará ao órgano concedente directamente o órgano instructor, que unicamente deberá comprobar a concorrència dos requisitos requiridos polas bases reguladoras para conceder a subvención.

As subvencións reguladas nesta orde fináncianse con cargo aos correspondentes fondos dotados no orzamento de gastos da Consellería de Emprego, Comercio e Emigración consignados na Lei 4/2024, do 27 de decembro, de orzamentos xerais da Comunidade Autónoma de Galicia para o ano 2025.

Por todo o exposto, logo do informe da Dirección Xeral de Simplificación Administrativa e da Axencia para a Modernización Tecnolóxica de Galicia, da Asesoría Xurídica e da Intervención Delegada da Consellería de Emprego, Comercio e Emigración, e no exercicio das facultades que me confire o artigo 34 da Lei 1/1983, do 22 de febreiro, de normas reguladoras da Xunta e da súa Presidencia,

DISPOÑO:

Artigo 1. *Obxecto e finalidade*

Esta orde ten por obxecto aprobar as bases reguladoras polas cales se rexerá a convocatoria pública de subvencións de apoio ao emprendemento para as persoas traballadoras autónomas e pequenas e medianas empresas, incluídas as cooperativas e sociedades laborais, que se atopen de alta e iniciaran a súa actividade económica desde o 1 de xaneiro de 2023 no ámbito da Comunidade Autónoma de Galicia, e se procede á súa convocatoria para a anualidade de 2025 (código de procedemento TR880A).

A finalidade é facilitar as iniciativas de emprendemento, contribuíndo ao incremento da súa actividade económica e á súa competitividade e, en definitiva, mantendo empregos de



calidade, a través do apoio ao financiamento do investimento realizado e pagado entre o 1 de xullo de 2024 e a data da presentación da solicitude.

Artigo 2. *Marco normativo*

As solicitudes, a tramitación e a concesión destas subvencións axustaranse ao disposto na Lei 9/2007, do 13 de xuño, de subvencións de Galicia; no regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro; no texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro; na Lei 4/2024, do 27 de decembro, de orzamentos xerais da Comunidade Autónoma de Galicia para o ano 2025; no que resulte de aplicación, a Lei 38/2003, do 17 de novembro, xeral de subvencións e o seu regulamento de desenvolvemento, aprobado polo Real decreto 887/2006, do 21 de xullo; nos regulamentos UE 2023/2831, 1408/2013 e 717/2014, da Comisión Europea, relativos ás axudas *de minimis* e nesta orde.

Artigo 3. *Principios de xestión*

A xestión deste programa realizarase de conformidade coa Lei 9/2007, do 13 de xuño, de acordo cos seguintes principios:

1. Publicidade, concorrancia, obxectividade, transparencia, igualdade e non discriminación.
2. Eficacia no cumprimento dos obxectivos fixados.
3. Eficiencia na asignación e na utilización dos recursos públicos.

Artigo 4. *Orzamento*

1. No exercicio económico de 2025, as subvencións reguladas nesta orde financiaranse con cargo á seguinte aplicación orzamentaria:

Aplicación	Proxecto	Crédito
14.04.322C.770.2	2024 00079	6.000.000,00 €
14.04.322C.470.2	2024 00079	700.000,00 €

2. A concesión das subvencións previstas nesta orde estará suxeita á existencia de crédito orzamentario. De ser o caso, e de acordo co disposto no artigo 31.4 da Lei 9/2007, do 13 de xuño, de subvencións de Galicia, publicarase mediante resolución da persoa



titular da Dirección Xeral de Traballo Autónomo e Economía Social o esgotamento das partidas orzamentarias asignadas. As axudas deben estar tramitadas no exercicio corrente xa que a convocatoria non é plurianual.

3. Se o orzamento asignado non é suficiente para pagar todas as axudas solicitadas, aplicarase como criterio de prioridade a data de presentación. Para estes efectos terase en conta a data en que a correspondente solicitude se presentou de acordo co previsto no artigo 10.1 desta orde. No caso de coincidencia na data de presentación entre dúas ou máis solicitudes presentadas, a orde de prioridade virá determinada pola hora.

4. No suposto de que se esgote o crédito da partida orzamentaria 14.04.322C.770.2, poderase incrementar co remanente da outra se o houbese, mediante resolución da persoa titular da Dirección Xeral de Traballo Autónomo e Economía Social.

Tanto do esgotamento do orzamento inicial como, de ser o caso, da redistribución orzamentaria que se realice, darase información mediante un anuncio a través da páxina web da Consellería de Emprego, Comercio e Emigración, de acordo co establecido no artigo 32 do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia.

5. De conformidade co disposto no artigo 31.2 da Lei 9/2007, do 13 de xuño, de subvencións de Galicia, e do artigo 30 do seu regulamento, poderase ampliar a contía máxima dos créditos dispoñibles para esta convocatoria. O incremento do crédito estará condicionado á declaración de dispoñibilidade do crédito como consecuencia dunha xeración, ampliación ou incorporación de crédito, á realización dunha transferencia ou á existencia de remanentes doutras convocatorias financiadas con cargo ao mesmo crédito ou a créditos incluídos no mesmo programa ou en programas do mesmo servizo.

Artigo 5. *Beneficiarias e requisitos*

1. Poderán ser beneficiarias destas axudas as persoas traballadoras autónomas, mutualistas e as pequenas e medianas empresas segundo a definición establecida pola Comisión Europea no anexo I do Regulamento (UE) nº 651/2014 e as sociedades cooperativas e laborais, que cumpran os dous requisitos seguintes: que se constitúan ou dean de alta, segundo a natureza xurídica da entidade de que se trate, e que iniciaran a súa actividade económica desde o 1 de xaneiro de 2023, de conformidade co establecido no artigo 1.

CVE-DOG: 3f1wlr8-60f4-i472-vbn0-t63vkkpt4r62



2. As persoas interesadas deberán cumprir os seguintes requisitos:

- a) Ter o domicilio fiscal en Galicia.
- b) Ter presentado, de ser o caso, as contas anuais do último ano no Rexistro Mercantil ou no Rexistro de Cooperativas, segundo corresponda á súa forma xurídica.
- c) Terse constituído ou dado de alta, segundo a natureza xurídica da entidade de que se trate, e ter iniciado a súa actividade económica no período que transcorre entre o 1 de xaneiro de 2023 ata a data de presentación da solicitude.
- d) Ter a capacidade administrativa, financeira e operativa para cumprir as condicións da axuda.
- e) Estar ao día no pagamento das súas obrigas tributarias e da Seguridade Social para obter subvencións.
- f) Non ter sido sancionadas mediante resolución firme coa perda da posibilidade de obter subvencións.

3. Non poderán ser beneficiarias desta subvención aquelas iniciativas de emprendemento que obtiveran resolución favorable ao abeiro da Orde do 29 de setembro de 2022 (DOG núm. 187, do 30 de setembro), Orde do 28 de xuño de 2023 (DOG núm. 127, do 5 de xullo) e da Orde do 16 de xaneiro de 2024 (DOG núm. 25, do 5 de febreiro).

Artigo 6. *Conceptos subvencionables*

1. Serán subvencionables os investimentos que correspondan de xeito indubidable ao proxecto empresarial constituído ou dado de alta, segundo a natureza xurídica da entidade de que se trate, e que teña iniciado a súa actividade económica desde o 1 de xaneiro de 2023. En concreto:

- 1º. Equipamento informático.
- 2º. Activos intanxibles: activos que non teñen unha materialización física ou financeira.
- 3º. Investimentos en eficiencia enerxética.
- 4º. Adquisición de bens de equipamento e mobiliario.



5º. Reforma e habilitación das instalacións do local de negocio.

6º. Gastos notariais e/ou rexistrais (gasto corrente).

7º. Gastos de alugamento de inmobles para a realización da actividade para a que se solicita a subvención (gasto corrente).

8º. A adquisición de activos pertencentes a un establecemento ou de bens de equipo de segunda man serán subvencionables sempre que cumpran os seguintes requisitos:

– Que os activos sexan adquiridos a unha terceira persoa non relacionada coa persoa compradora.

– Que conste unha declaración da persoa vendedora sobre a orixe dos bens e sobre que os mesmos non foron obxecto de ningunha subvención nacional ou comunitaria.

– Que o prezo non sexa superior ao valor de mercado de referencia nin ao custo dos bens novos similares, acreditándose estes extremos mediante certificación de taxador/a independente ou dunha empresa subministradora de bens da mesma tipoloxía dos bens de segunda man obxecto de transacción.

Cando se adquiran bens de segunda man nestas condicións non será preciso achegar as tres ofertas ás que se fai referencia no artigo 11.1.e).

Cando a persoa emprendedora sexa membro da familia do/da propietario/a inicial ou un/ha empregado/a e se faga cargo da pequena empresa para continuar coa actividade, non se aplicará a condición de que os activos deban ser adquiridos a terceiras persoas non relacionadas coa persoa compradora.

A simple adquisición das accións dunha empresa non constituirá un investimento.

2. Os bens obxecto de investimento deberán ser adquiridos en propiedade pola persoa beneficiaria, admitíndose, para estes efectos, as reformas de instalacións en inmobles alugados. No caso de adquisición dos bens mediante fórmulas de pagamento aprazado, estes deberán pasar a ser de propiedade plena da persoa beneficiaria antes do remate do prazo de execución do proxecto, debendo constar neste momento o vencemento e pagamento das cantidades aprazadas.



3. Os investimentos terán que estar realizados e pagados dentro do prazo de execución, que abrangue desde o 1 de xullo de 2024 ata a data da presentación da solicitude.

4. O investimento en bens inscribibles nun rexistro público terá que ser mantido, con vinculación á actividade económica subvencionable e no centro de traballo en Galicia durante os 5 anos seguintes á data do pagamento final á persoa beneficiaria. O resto do investimento deberá manterse coas mesmas condicións durante 2 anos desde a devandita data.

5. O investimento subvencionado poderá ser substituído no caso de obsolescencia, sempre e cando a actividade económica da beneficiaria se manteña en Galicia durante o período indicado. Neste caso, deberá quedar constancia contable e no inventario da empresa da substitución efectuada.

6. Non serán subvencionables o IVE nin outros impostos.

7. Os bens obxecto de investimento deberán ser adquiridos a terceiras persoas.

8. En ningún caso poderá concertar a persoa beneficiaria a execución total ou parcial das actividades.

9. En ningún caso o custo dos investimentos subvencionables poderá ser superior ao valor de mercado.

Artigo 7. *Intensidade de axuda*

A contía da axuda terá as seguintes porcentaxes de intensidade en función do rango de investimento total realizado:

a) Con investimentos de 5.000 € ou máis ata un límite de 20.000 €, a contía da axuda será do 55 % do investimento.

b) Con investimentos de 20.001 € ou máis ata un límite de 30.000 €, a contía da axuda será do 50 % do investimento.

c) Con investimentos de 30.001 € ou máis ata un límite de 60.000 €, a contía da axuda será do 45 % do investimento.

No suposto de que o proxecto de investimento evite o peche dun negocio por falta de remuda xeracional e facilite que a persoa interesada en emprender teña a posibilidade de



recoller a testemuña dun negocio xa viable economicamente, a porcentaxe de intensidade en función do rango de investimento total realizado establecida neste artigo incrementárase nun 10% .

Artigo 8. *Definicións*

Para os efectos desta orde, entenderase por:

a) Equipamento informático: considéranse equipamento informático os aparellos electrónicos e servizos anexos que posibiliten unha maior eficiencia no procesamento, almacenamento e visualización da información. Entre outros, teñen esta consideración as tabletas, ordenadores persoais de sobremesa, ordenadores portátiles ou similares, equipamentos de rede, servidores, conexión á internet, escáneres e similares, sempre que se destinen exclusivamente ao desenvolvemento da actividade económica da persoa solicitante.

En ningún caso se consideran subvencionables os teléfonos móbiles nin smartphones.

b) Activos intangibles: activos que non teñen unha materialización física ou financeira, nomeadamente, a adquisición da propiedade ou do dereito ao uso de programas informáticos, incluída a subscrición a software estándar do mercado durante o período subvencionable. Tamén inclúe os gastos de creación e desenvolvemento de programas informáticos a medida e páxinas web, sempre que a súa utilización estea prevista durante varios exercicios; así como patentes, licenzas e coñecementos técnicos ou outros dereitos de propiedade intelectual, de carácter informático.

c) Investimentos en eficiencia enerxética: toda aquela compra de produtos e instalacións que reduzan o consumo enerxético, entre outras, o cambio de sistemas de iluminación ou cambios de maquinaria ou instalacións.

d) Investimentos para a substitución de combustibles fósiles ou materiais críticos ou escasos: enténdese por tal o cambio de maquinaria ou instalacións que empregan enerxías fósiles a outras que utilicen enerxías limpas.

e) Adquisición de bens de equipamento e mobiliario: maquinaria, bens de equipamento ou ferramentas mediante as cales se mellora o proceso produtivo. Comprende equipamentos e medios de transporte interno, medios de protección do ambiente e outros bens de equipamento, incluído mobiliario, entendido como conxunto de mobles que serven para a actividade normal da empresa, como mesas, cadeiras, andeis, mostradores e vitrinas.



En ningún caso se consideran subvencionables as decoracións ou ornatos suntuosos.

En ningún caso se consideran subvencionables os vehículos, naves, aeronaves ou similares, constitúan ou non a actividade empresarial propia da persoa solicitante.

f) Reforma e habilitación das instalacións do local do negocio: obras que consisten en reparacións simples, decoracións ou ornatos (incluída a rotulación) que non modifican a estrutura construtiva do local.

Para os efectos desta orde, entenderase por reparacións simples as obras de escasa complexidade construtiva, sinxeleza técnica e baixo custe económico. Con carácter xeral, consisten en pequenas obras de mellora, conservación, mantemento e/ou reparación que, en ningún caso, poden afectar ou modificar a estrutura construtiva. Exclúese o domicilio habitual da persoa traballadora autónoma.

Respecto ás decoracións e ornatos, incluída a rotulación do local, deberán respectar o establecido na Lei 7/2023, do 30 de novembro, para a igualdade efectiva de mulleres e homes de Galicia, segundo a cal a Xunta de Galicia -non só a través dos medios de comunicación de titularidade autonómica, senón tamén a través daqueles nos que participe ou aos cales subvencione- garantirá a transmisión dunha imaxe igualitaria, plural e non estereotipada das mulleres e dos homes e, en concreto, a utilización non sexista da linguaxe e/ou das imaxes.

En ningún caso se consideran subvencionables as decoracións ou ornatos suntuosos.

En canto aos gastos notariais e/ou rexistrais subvencionables, estes deberán estar directamente relacionados coa actividade subvencionada e ser indispensables para a súa axeitada preparación ou execución, segundo o establecido no artigo 29.7 da Lei 9/2007, do 13 de xuño, de subvencións de Galicia.

Respecto dos gastos de alugamento, corresponderanse co local ou centro de traballo en que se realice a actividade subvencionada.

No caso dos gastos notariais e/ou rexistrais, estes estarán subvencionados cun máximo de 300 € por persoa beneficiaria e, no caso do alugamento, cun máximo de 1.500 € por persoa beneficiaria, os cales serán incrementados nun 10 % no suposto de que o proxecto de investimento evite o peche dun negocio por remuda deste.



Enténdese por local do negocio o centro de traballo declarado no anexo I. Exclúese o domicilio habitual da persoa traballadora autónoma.

Exclúese a adquisición de bens e servizos que poidan ser considerados como mercado-ría pola cal a empresa obteña beneficios segundo a súa actividade.

Para os efectos desta orde, entenderase por remuda dun negocio o cambio de titulari-dade motivado pola xubilación ou pola proximidade da idade de xubilación da persoa titular do negocio; tamén pode estar motivada por causas sobrevidas, como a incapacidade per-manente total, absoluta ou gran invalidez, ou o falecemento.

Para ter dereito ao incremento da intensidade da axuda prevista no artigo anterior, a persoa emprendedora, calquera que sexa a natureza xurídica da entidade de que se trate, ten que ter sido beneficiaria dunha subvención concedida consonte a Orde do 23 de maio de 2024 pola que se establecen as bases reguladoras e se convocan para o ano 2024 as axudas do bono Remuda para o fomento da remuda xeracional de negocios (código de procedemento TR353D).

Artigo 9. *Axudas de Estado*

1. As axudas establecidas nesta orde quedan sometidas ao réxime de axudas *de mi-nimis*, polo que non poderán exceder os límites cuantitativos establecidos nos seguintes regulamentos, segundo proceda:

a) Regulamento (UE) núm. 2023/2831, da Comisión, do 13 de decembro, relativo á aplicación dos artigos 107 e 108 do Tratado de funcionamento da Unión Europea ás axu-das *de minimis* (DOUE L, do 15 de decembro). Nos termos desta normativa, a axuda total *de minimis* concedida a unha única empresa non excederá os 300.000 € durante calquera período de tres anos.

b) Regulamento (UE) núm. 1408/2013, da Comisión, do 18 de decembro, relativo á apli-cación dos artigos 107 e 108 do Tratado de funcionamento da Unión Europea ás axudas *de minimis* no sector agrícola (DOUE L 352, do 24 de decembro). Nos termos desta norma-tiva, a axuda total *de minimis* concedida a unha única empresa non excederá os 50.000 € durante calquera período de tres exercicios fiscais.

c) Regulamento (UE) núm. 717/2014, da Comisión, do 27 de xuño, relativo á aplicación dos artigos 107 e 108 do Tratado de funcionamento da Unión Europea ás axudas *de mini-*



mis no sector da pesca e da acuicultura (DOUE L 190, do 28 de xuño). Nos termos desta normativa, a axuda total *de minimis* concedida a unha única empresa non excederá os 40.000 € durante calquera período de tres exercicios fiscais.

Para o cómputo dos límites deste réxime de axudas terase en conta o concepto de «única empresa» establecida no Regulamento (UE) 2023/2831, da Comisión, do 13 de decembro.

2. As persoas solicitantes das axudas previstas na presente orde están obrigadas a declarar as axudas percibidas baixo o réxime *de minimis*, segundo o recollido no anexo I.

Artigo 10. *Solicitudes*

1. As solicitudes presentaranse obrigatoriamente por medios electrónicos a través do formulario normalizado (anexo I) dispoñible na sede electrónica da Xunta de Galicia (<https://sede.xunta.gal>).

De conformidade co artigo 68.4 da Lei 39/2015, do 1 de outubro, do procedemento administrativo común das administracións públicas, se algunha das persoas interesadas presenta a súa solicitude presencialmente, será requirida para que a emende a través da súa presentación electrónica. Para estes efectos considerárase data de presentación da solicitude aquela en que fose realizada a emenda.

Para a presentación electrónica poderase empregar calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e Chave365 (<https://sede.xunta.gal/chave365>).

2. Ao ser válida unha única solicitude por persoa, no caso de que a mesma persoa presente unha nova solicitude, entenderase que desiste da anterior, salvo que xa estea resolta.

3. A presentación da solicitude supón a aceptación das obrigas reguladas nesta orde para ser beneficiaria da axuda, así como a aceptación da axuda.

4. Xunto coa solicitude presentarase a xustificación de acordo co disposto no artigo 27.



Artigo 11. Documentación complementaria

1. As persoas interesadas deberán achegar coa solicitude a seguinte documentación:

a) Cando se actúe mediante representación, poder suficiente da persoa representante para actuar en nome da persoa representada, agás que estea inscrita no Rexistro Electrónico Xeral de Apoderamentos de Galicia e no Rexistro autonómico de persoas titulares de determinados órganos ou cargos.

b) Contrato ou documento de creación da comunidade de bens, sociedade civil ou entidades sen personalidade xurídica onde conste a porcentaxe de participación das persoas socias ou comuneiras, se é o caso.

c) No caso das persoas mutualistas, especificamente deberán presentar, ademais da documentación a que se refire o artigo 11, certificado do colexio profesional de alta no dito colexio, con indicación de si presupón ou non exercicio de actividade, e certificado da mutualidade do colexio profesional con indicación dos períodos de alta na dita mutualidade, de ser o caso.

d) Censo de obrigados tributarios da Axencia Estatal de Administración Tributaria (modelo 036 ou 037) e certificado censual, nos que debe figurar a data da alta (ou alta previa, de ser o caso), o domicilio fiscal e a localización do establecemento da actividade.

e) Facturas e o seu correspondente xustificante bancario de pagamento.

De conformidade co establecido no artigo 29.3 da Lei 9/2007, do 13 de xuño, de subvencións de Galicia –sempre que o investimento non estivese realizado no momento da convocatoria das axudas– cando o importe do investimento subvencionable supere a contía prevista para o contrato menor no artigo 118 da Lei 9/2017, do 8 de novembro, de contratos do sector público (importe igual ou superior a 15.000 € no caso de contrato de servizo ou subministro, e importe igual ou superior a 40.000 € no caso de contrato de obras, con referencia á data de publicación destas bases), as persoas interesadas deberán solicitar, como mínimo, tres ofertas de diferentes provedores, con carácter previo á contratación do compromiso para a obra, prestación do servizo ou entrega do ben, salvo que polas especiais características dos gastos subvencionables non exista no mercado suficiente número de persoas que a presten, ou salvo que o investimento se realizase con anterioridade á data da publicación da convocatoria.

CVE-DOG: 3f1wlr8-60f4-i472-vbn0-t63vkkpt4r62



A elección entre as ofertas presentadas, que se deberán achegar coa solicitude da subvención, realizarase de conformidade con criterios de eficiencia e economía e, cando non recaia na proposta económica máis vantaxosa, deberase xustificar expresamente no anexo I da solicitude.

A persoa solicitante deberá presentar unha declaración responsable de persoas e empresas vinculadas na que manifieste que as ofertas presentadas non corresponden a empresas vinculadas á persoa solicitante nin a outras relacionadas coa mesma ata o 4º grao de consanguinidade ou afinidade, sen prexuízo do establecido no artigo 6.1.8 *in fine* desta orde.

De conformidade co establecido no artigo 28.3 da Lei 39/2015, do 1 de outubro, do procedemento administrativo común das administracións públicas, non será necesario achegar os documentos que xa fosen presentados anteriormente polas persoas interesadas ante calquera Administración. Neste caso, as persoas interesadas deberán indicar en que momento e ante que órgano administrativo presentou os ditos documentos, que serán recadados electronicamente a través das redes corporativas ou mediante consulta ás plataformas de intermediación de datos ou outros sistemas electrónicos habilitados para o efecto, agás que conste no procedemento a oposición expresa das persoas interesadas.

De forma excepcional, se non se poden obter os citados documentos, poderáselle solicitar novamente á persoa interesada que os achegue.

2. A documentación complementaria deberá presentarse electronicamente.

Se algunha das persoas interesadas presenta a documentación complementaria presencialmente, requiriráselle para que a emende a través da súa presentación electrónica. Para estes efectos considerárase como data de presentación aquela en que fose realizada a emenda.

As persoas interesadas responsabilizaranse da veracidade dos documentos que presenten. Excepcionalmente, cando a relevancia do documento no procedemento o exixa ou existan dúbidas derivadas da calidade da copia, a Administración poderá solicitar de maneira motivada o cotexo das copias achegadas polas persoas interesadas, para o cal poderán requirir a exhibición do documento ou da información orixinal.

CVE-DOG: 3f1wlr8-60f4-i472-vbn0-t63vkkpt4r62



3. Sempre que se realice a presentación de documentos separadamente da solicitude, deberase indicar o código e o órgano responsable do procedemento, o número de rexistro de entrada da solicitude e o número de expediente, se se dispón del.

4. No caso de que algún dos documentos para presentar de forma electrónica supere os tamaños máximos establecidos ou teña un formato non admitido pola sede electrónica da Xunta de Galicia, permitirase a presentación deste de forma presencial dentro dos prazos previstos e na forma indicada no parágrafo anterior. A información actualizada sobre o tamaño máximo e os formatos admitidos pode consultarse na sede electrónica da Xunta de Galicia.

Artigo 12. *Trámites administrativos posteriores á presentación da solicitude*

Todos os tramites administrativos que as persoas interesadas deberán realizar tras a presentación da solicitude deberán ser efectuados electronicamente accedendo á Carpeta cidadá da persoa interesada, dispoñible na sede electrónica da Xunta de Galicia.

Artigo 13. *Emenda das solicitudes*

Unha vez recibidas as solicitudes, a unidade administrativa encargada da instrución do procedemento comprobará se a solicitude ou documentación presentada reúne os requisitos exixidos nesta orde e, no suposto de que se observe algún defecto ou sexa incompleta a documentación, de conformidade co disposto no artigo 68.1 da Lei 39/2015, do 1 de outubro, requirirá a persoa interesada para que no prazo máximo e improrrogable de dez (10) días emende a falta ou presente os documentos preceptivos, coa advertencia de que, se así non o fixer, se considerará que a persoa interesada desiste da súa petición, logo de resolución que deberá ser ditada nos termos previstos no artigo 20.5 da Lei 9/2007, do 13 de xuño, de subvencións de Galicia.

Esta fase completárase incorporando ao expediente a información rexistral da persoa solicitante segundo a documentación que consta na Dirección Xeral de Traballo Autónomo e Economía Social, así como as comprobacións referidas no artigo 14.1 desta orde.

Artigo 14. *Comprobación de datos*

1. Para a tramitación deste procedemento consultarase automaticamente os datos incluídos nos seguintes documentos en poder da Administración actuante ou elabo-



rados polas administracións públicas, agás que a persoa interesada se opoña á súa consulta:

- a) DNI ou NIE da persoa solicitante.
- b) DNI ou NIE da persoa representante.
- c) Consulta da vida laboral nos últimos 12 meses.
- d) Certificación de estar ao día nas obrigas coa Axencia Tributaria de Galicia.
- e) Certificación de estar ao día nas obrigas coa Tesouraría Xeral da Seguridade Social.
- f) Consulta de inhabilitacións para obter subvencións e axudas.
- g) Consulta de concesión de subvencións e axudas.
- h) Consulta de concesións pola regra *de minimis*.
- i) Consulta da alta no imposto de actividades económicas (IAE) da persoa solicitante.
- j) NIF da entidade solicitante, se é o caso.
- k) NIF da entidade representante, se é o caso.
- l) Certificación de estar ao día nas obrigas coa Axencia Estatal de Administración Tributaria.
- m) Certificado do domicilio fiscal.
- n) Consulta da condición de beneficiaria da subvención concedida ao abeiro da Orde do 23 de maio de 2024 pola que se establecen as bases reguladoras e se convocan para o ano 2024 as axudas do Bono remuda para o fomento da remuda xeracional de negocios (código de procedemento TR353D).

2. No caso de que as persoas interesadas se opoñan a esta consulta, deberán indicalo no recadro correspondente habilitado no formulario (anexo I) e achegar os documentos.

Cando así o exixa a normativa aplicable, solicitarase o consentimento expreso da persoa interesada para realizar a consulta.

CVE-DOG: 3f1wlrc8-60f4-i472-vbn0-t63vkkpt4r62



3. Excepcionalmente, no caso de que algunha circunstancia imposibilite a obtención dos citados datos, poderáselles solicitar ás persoas interesadas que presenten os documentos correspondentes.

4. A comprobación será realizada polo órgano competente en cada unha das fases de xestión, control e verificación das axudas.

Artigo 15. *Transparencia e bo goberno*

1. Deberase dar cumprimento ás obrigas de transparencia e publicidade contidas no artigo 17 da Lei 1/2016, do 18 de xaneiro, de transparencia e bo goberno, e no artigo 15 da Lei 9/2007, do 13 de xuño, de subvencións de Galicia.

2. En virtude do disposto no artigo 4 da Lei 1/2016, do 18 de xaneiro, de transparencia e bo goberno, as persoas físicas e xurídicas beneficiarias de subvencións están obrigadas a subministrar á Administración, ao organismo ou á entidade das previstas no seu artigo 3.1 a que se encontren vinculadas, logo de requirimento, toda a información necesaria para o cumprimento por aquela das obrigas previstas no título I da citada lei.

Artigo 16. *Instrución do procedemento*

1. A concesión das subvencións realizarase en réxime de concorrência non competitiva, nos termos previstos no artigo 19.2 da Lei 9/2007, do 13 de xuño, segundo o cal as bases reguladoras das convocatorias de axudas poderán exceptuar o requisito de fixar unha orde de prelación entre as solicitudes presentadas que reúnan os requisitos establecidos cando, polo obxecto e a finalidade da subvención, non sexa necesario realizar a comparación e prelación das solicitudes presentadas nun único procedemento, ata o esgotamento do crédito orzamentario.

2. O órgano instrutor dos expedientes será o Servizo de Fomento do Emprendemento, pertencente á Dirección Xeral de Traballo Autónomo e Economía Social.

Artigo 17. *Competencia*

A competencia para coñecer, resolver e propor os correspondentes pagamentos das axudas previstas no programa regulado nesta orde corresponderalle á persoa titular da Dirección Xeral de Traballo Autónomo e Economía Social, por delegación da persoa titular da Consellería de Emprego, Comercio e Emigración.



Artigo 18. Notificacións

1. As notificacións de resolucións e actos administrativos efectuaranse só por medios electrónicos, nos termos previstos na normativa reguladora do procedemento administrativo común.

2. De conformidade co artigo 45.2 da Lei 4/2019, do 17 de xullo, de administración dixital de Galicia, as notificacións electrónicas efectuaranse mediante a comparecencia na sede electrónica da Xunta de Galicia e a través do Sistema de notificación electrónica de Galicia-Notifica.gal. Este sistema remitiralle ás persoas interesadas avisos da posta á disposición das notificacións na conta de correo e/ou teléfono móbil que conste na solicitude. Estes avisos non terán, en ningún caso, efectos de notificación efectuada e a súa falta non impedirá que a notificación sexa considerada plenamente válida.

3. De conformidade co artigo 47 da Lei 4/2019, do 17 de xullo, as persoas interesadas deberán crear e manter o seu enderezo electrónico habilitado único a través do Sistema de notificación electrónica de Galicia-Notifica.gal, para todos os procedementos administrativos tramitados pola Administración xeral e as entidades instrumentais do sector público autonómico. En todo caso, a Administración xeral e as entidades do sector público autonómico de Galicia poderán, de oficio, crear o indicado enderezo, para os efectos de asegurar o cumprimento por parte das persoas interesadas da súa obriga de relacionarse por medios electrónicos.

4. As notificacións entenderanse efectuadas no momento en que se produza o acceso ao seu contido, e rexeitadas cando transcorresen dez (10) días naturais desde a posta a disposición da notificación sen que se acceda ao seu contido.

5. Se o envío da notificación electrónica non fose posible por problemas técnicos, efectuarase a notificación polos medios previstos na normativa reguladora do procedemento administrativo común.

Artigo 19. Resolución e recursos

1. A concesión das subvencións realizarase en réxime de concorrencia non competitiva.

En aplicación dos principios de eficacia e eficiencia na asignación e utilización de recursos públicos establecidos na Lei de subvencións de Galicia, e tratándose dunha convocatoria de subvencións en réxime de concorrencia non competitiva, as solicitudes re-

CVE-DOG: 3f1wlrc8-60f4-i472-vbn0-t63vkkpt4r62



solveranse por orde de entrada no rexistro e ata o esgotamento do crédito. Non obstante, naqueles supostos en que se lles solicite ás persoas solicitantes a modificación ou a mellora voluntaria da solicitude, de conformidade co artigo 68.3 da Lei 39/2015, do 1 de outubro, considerarase data de presentación da solicitude aquela en que o dito requirimento estea correctamente atendido.

2. A competencia para resolver as solicitudes de axuda corresponderalle á persoa titular da Dirección Xeral de Traballo Autónomo e Economía Social, por delegación da persoa titular da Consellería de Emprego, Comercio e Emigración.

3. O prazo máximo para resolver e notificar será de tres (3) meses, que se computará desde a data de entrada da solicitude no rexistro do órgano competente para a súa tramitación. Transcorrido o dito prazo sen que se ditase resolución expresa, a solicitude entenderase desestimada, de acordo co establecido no artigo 23.5 da Lei 9/2007, do 13 de xuño.

4. As resolucións que se diten neste procedemento esgotan a vía administrativa e contra elas cabe interpoñer recurso contencioso-administrativo no prazo de dous meses, ante o órgano competente da xurisdición contencioso-administrativa, e poderase formular, con carácter potestativo, recurso de reposición no prazo dun mes, ante o mesmo órgano que ditou a resolución impugnada. Todo o anterior de conformidade co disposto na Lei 39/2015, do 1 de outubro, e na Lei 29/1998, do 13 de xullo, reguladora da xurisdición contencioso-administrativa.

5. A resolución de outorgamento da subvención comprenderá a identificación da persoa beneficiaria, a contía da subvención e as obrigas que correspondan á persoa beneficiaria.

6. A resolución deberá conter a referencia de que a axuda concedida está suxeita aos réximes *de minimis* regulados polos regulamentos (UE) nº 2023/2831, 1408/2013 ou 717/2014, da Comisión Europea.

Artigo 20. *Estimación parcial da solicitude*

No caso de que unha solicitude de axudas comprenda gastos ou investimentos para os cales non exista crédito suficiente, poderase estimar parcialmente.

Artigo 21. *Modificación da resolución de concesión*

Toda alteración das condicións tidas en conta para a concesión das subvencións, así como a obtención concorrente de subvencións outorgadas por outras administracións ou



outros entes públicos ou privados, estatais ou internacionais, poderá dar lugar á modificación da resolución de concesión seguindo o principio de proporcionalidade a que se refire o artigo 14.1.n) da Lei 9/2007, do 13 de xuño.

Artigo 22. *Réxime de compatibilidades e concorrencia*

1. As subvencións concedidas ao abeiro destas bases reguladoras serán compatibles con outras axudas, subvencións ou recursos destinados á mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais, sempre que non se supere o 100 % do investimento subvencionable ou, de ser o caso, o límite máximo establecido na normativa que resulte de aplicación. Non obstante o anterior, as subvencións previstas nesta orde son incompatibles coas axudas para o impulso da innovación e sostibilidade do comercio local e artesanal (CO300C), que se convoquen no ano 2025 pola Consellería de Emprego, Comercio e Emigración.

2. O incumprimento do disposto neste artigo considerarase unha alteración das condicións tidas en conta para a concesión da axuda e poderá dar lugar á modificación da resolución de concesión, nos termos previstos no artigo 21.

Artigo 23. *Obrigas das persoas ou entidades beneficiarias*

Son obrigas das persoas ou entidades beneficiarias das subvencións as sinaladas no artigo 11 da Lei 9/2007, do 13 de xuño, en especial as seguintes:

a) Aplicar a axuda a satisfacer os investimentos subvencionables realizados desde o 1 de xullo de 2024 ata a data da presentación da solicitude con base nos conceptos do artigo 6 da presente orde que correspondan de xeito indubidable ao proxecto empresarial que se constituíse ou dese de alta, segundo a natureza xurídica da entidade de que se trate, e que iniciara a súa actividade económica desde o 1 de xaneiro de 2023, nos termos recollidos nos artigos 1 e 5 da orde.

b) Xustificar ante o órgano concedente o cumprimento dos requisitos e das condicións, así como a realización da actividade e o cumprimento da finalidade que determinen a concesión da subvención.

c) Someterse ás actuacións de control, comprobación e inspección que efectuará a Consellería de Emprego, Comercio e Emigración, así como facilitar toda a información que



Ile sexa requirida pola Intervención Xeral da Comunidade Autónoma, o Tribunal de Contas e o Consello de Contas no exercicio das súas funcións de fiscalización e control do destino das subvencións.

d) Comunicarlle ao órgano concedente calquera modificación das condicións tidas en conta para a concesión da subvención, así como dos compromisos e das obrigas asumidas polas persoas ou entidades beneficiarias e, de ser o caso, a obtención concorrente de subvencións, axudas, ingresos ou recursos que financien as actividades subvencionadas. Esta comunicación deberase efectuar tan pronto como se coñeza e, en todo caso, con anterioridade á xustificación da aplicación dada aos fondos percibidos.

e) Estar ao día nas súas obrigas tributarias estatais e autonómicas e coa Seguridade Social, así como non ter pendente de pagamento ningunha outra débeda, por ningún concepto, coa Administración pública da Comunidade Autónoma, con anterioridade a ditarse a proposta de resolución de concesión e realizar a proposta de pagamento da subvención.

f) Dispor dos libros contables, rexistros dilixenciados e demais documentos debidamente auditados nos termos exixidos pola lexislación mercantil e sectorial aplicable á persoa beneficiaria en cada caso, coa finalidade de garantir o exercicio adecuado das facultades de comprobación e control.

Conservar os documentos xustificativos da aplicación dos fondos recibidos, incluídos os documentos electrónicos, mentres poidan ser obxecto das actuacións de comprobación e control.

Agás aquelas persoas ou entidades beneficiarias que pola normativa vixente estean exentas da obriga de levar a cabo unha contabilidade, as persoas ou entidades beneficiarias teñen a obriga de acreditar que levan unha contabilidade separada ou un código contable adecuado para os gastos obxecto da subvención.

g) Adoptar as medidas axeitadas de difusión para dar publicidade ao financiamento público das actuacións subvencionadas pola Consellería de Emprego, Comercio e Emigración. De acordo con esta obriga, as persoas deberán anunciar no seu domicilio social e nos seus centros de traballo a súa condición de beneficiarias dunha subvención outorgada pola Consellería de Emprego, Comercio e Emigración. Con esta finalidade, incorporarán un rótulo visible ao público, de tamaño mínimo A3 que inclúa o nome da entidade e o logotipo da Xunta de Galicia e do Ministerio de Traballo e Economía Social. Tamén se informará

CVE-DOG: 3f1wlr8-60f4-i472-vbn0-t63vkkpt4r62



na páxina web, no caso de dispor dela, sobre a axuda financeira recibida da Xunta. Este rótulo e información deberá manterse exposto ao público durante un período de dous anos.

Os formatos que se utilicen serán os proporcionados pola Dirección Xeral de Traballo Autónomo e Economía Social que constan na páxina web da Consellería de Emprego, Comercio e Emigración, na ligazón: <https://oficinadoautonomo.gal/> e na sede electrónica <https://sede.xunta.gal/>

h) Manter, por un período mínimo de dous anos desde a data da resolución de concesión, unha forma xurídica de entre as elixibles para resultaren beneficiarias da subvención concedida, así como a actividade empresarial.

O cumprimento desta obriga poderá ser comprobado, coa periodicidade que se considere oportuna, polo órgano competente en cada unha das fases de xestión, control e verificación.

i) Cumprir os deberes de transparencia e publicidade previstos no artigo 15 desta orde, quedando suxeitas as persoas beneficiarias ás consecuencias do incumprimento das ditas obrigas, de conformidade co establecido no artigo 4 da Lei 1/2016, do 18 de xaneiro, de transparencia e bo goberno.

Artigo 24. *Reintegro e perda do dereito ao cobramento da subvención*

1. A declaración xudicial ou administrativa de nulidade ou anulabilidade da resolución de concesión, de acordo co procedemento e coas causas establecidas no artigo 32 da Lei 9/2007, do 13 de xuño, de subvencións de Galicia, comportará a obriga de devolver as cantidades percibidas.

2. Procederá a perda do dereito ao cobramento das subvencións e axudas concedidas no suposto de non estar ao día nas súas obrigas tributarias estatais e autonómicas e coa Seguridade Social, así como ter pendente de pagamento algunha outra débeda coa Administración pública da Comunidade Autónoma, con anterioridade a ditarse a proposta de pagamento da subvención.

3. Procederá a perda do dereito ao cobramento das subvencións, así como o reintegro total ou parcial das cantidades percibidas e a exixencia do xuro de demora, nos casos e nos termos previstos no artigo 33 da Lei 9/2007, do 13 de xuño, e no Decreto 11/2009, do 8 de xaneiro, polo que se aproba o seu regulamento.



A obriga de reintegro establecida no parágrafo anterior enténdese sen prexuízo do establecido no Real decreto lexislativo 5/2000, do 4 de agosto, polo que se aproba o texto refundido da Lei sobre infraccións e sancións na orde social.

4. De conformidade co artigo 14.1, letra n), da Lei 9/2007, de subvencións de Galicia, o importe que se deba reintegrar determinarase de acordo cos seguintes criterios de gradación dos posibles incumprimentos das condicións impostas con motivo da concesión das subvencións:

a) A obtención da subvención falseando os datos, feitos ou documentación, así como as condicións requiridas para a concesión ou ocultando aquelas que o impidan: reintegro do 100 % da subvención concedida.

b) O incumprimento da finalidade, dos requisitos e/ou das condicións exixidas á persoa beneficiaria para a concesión da subvención: reintegro do 100 % da subvención concedida.

c) A resistencia, escusa, obstrución ou negativa ás actuacións de comprobación previstas nesta orde, o incumprimento das obrigas contables ou de conservación de documentos previstas na orde, cando diso derive a imposibilidade de verificar o emprego dado aos fondos percibidos, o cumprimento do obxectivo, a realidade e regularidade das actividades subvencionadas, ou a concorrencia de subvencións, axudas, ingresos ou recursos, para a mesma finalidade, procedentes de calquera Administración ou ente público ou privado: reintegro do 100 % da subvención concedida.

d) O incumprimento da obriga en materia de publicidade prevista no artigo 23.g): reintegro do 2 % da subvención concedida.

Non obstante, no suposto de resultar aínda posible o cumprimento desta obriga, o órgano xestor deberá requirir á persoa beneficiaria para que incorpore o rótulo, nun prazo non superior a quince (15) días hábiles, con expresa advertencia de que o seu incumprimento implicará o inicio do expediente declarativo da procedencia do reintegro.

e) A percepción doutras subvencións públicas incompatibles coa subvención prevista nesta orde: reintegro do 100 % da subvención concedida.

f) O incumprimento da obriga de comunicarlle ao órgano concedente a obtención conconcente de subvencións, axudas, ingresos ou recursos, públicos ou privados, que financien as actividades subvencionadas: reintegro do 5 % da axuda concedida.



g) O incumprimento da obriga de mantemento da forma xurídica e actividade prevista no artigo 23.h): reintegro da parte proporcional da axuda.

Artigo 25. *Exclusións*

1. Non poderán obter a condición de beneficiarias das subvencións establecidas nesta orde as persoas ou entidades en que concorran as circunstancias previstas no artigo 10.2 da Lei 9/2007, do 13 de xuño, de subvencións de Galicia:

a) Ser condenadas mediante sentenza firme á pena de perda da posibilidade de obter subvencións ou axudas públicas.

b) Solicitar a declaración de concurso, ser declaradas insolventes en calquera procedemento, encontrarse declaradas en concurso, agás que neste adquirise a eficacia un convenio, estar suxeitas a intervención xudicial ou ser inhabilitadas conforme á lei concursal, sen que conclúa o período de inhabilitación fixado na sentenza de cualificación do concurso.

c) Dar lugar, por causa da que fosen declaradas culpables, á resolución firme de calquera contrato suscrito coa Administración.

d) Estar incurso a persoa física, as persoas administradoras das sociedades mercantís ou aquelas que exerzan a representación legal doutras persoas xurídicas nalgún dos supostos de incompatibilidades que estableza a normativa vixente.

e) Non estar ao día no cumprimento das obrigas tributarias ou fronte á Seguridade Social ou ter pendente de pagamento algunha outra débeda coa Administración pública da Comunidade Autónoma, nos termos regulamentariamente establecidos.

f) Ter a residencia fiscal nun país ou territorio cualificado regulamentariamente como paraíso fiscal.

g) Non estar ao día no pagamento de obrigas por reintegro de subvencións, nos termos regulamentariamente establecidos.

h) Ter sido sancionada mediante resolución firme coa perda da posibilidade de obter subvencións segundo a Lei 9/2007, do 13 de xuño, de subvencións de Galicia, ou a Lei xeral tributaria.



2. Non poderán obter a condición de beneficiarias as persoas que se atopen excluídas do acceso aos beneficios derivados da aplicación dos programas de emprego, conforme o establecido nos artigos 46 e 46.bis do texto refundido da Lei de infraccións e sancións na orde social, aprobado polo Real decreto lexislativo 5/2000, do 4 de agosto.

Artigo 26. *Devolución voluntaria de subvencións*

1. De acordo co establecido no artigo 64 do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro, as persoas ou entidades beneficiarias poderán realizar, sen o requirimento previo da Administración, a devolución total ou parcial da subvención concedida, mediante o ingreso na conta ES82 2080 0300 8731 1006 3172 en concepto de devolución voluntaria da subvención.

2. En todo caso, a persoa beneficiaria deberá presentar ante o órgano concedente unha memoria xustificativa da devolución voluntaria realizada, na cal conste a data do ingreso, o seu importe, o número do expediente e a denominación da subvención concedida.

3. A devolución voluntaria non exclúe a reclamación dos xuros de demora cando se considere procedente o reintegro da subvención.

Artigo 27. *Forma de pagamento e xustificación*

A presentación da xustificación requirida neste precepto realizarase coa solicitude de axuda de acordo co establecido no artigo 10 e conforme o disposto neste precepto:

1. Comprobado o cumprimento dos requisitos para ser beneficiario/a desta subvención establecidos na presente orde e resolta a concesión da axuda, procederase ao pagamento da axuda no número de conta indicado na solicitude.

2. O cumprimento dos requisitos acreditarase na solicitude mediante a declaración responsable da persoa beneficiaria, emitida baixo a súa responsabilidade e sen prexuízo da comprobación do seu cumprimento con posterioridade á resolución de concesión.

3. Con independencia do importe da axuda concedida, ben por aplicación do artigo 51 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, ben polo obxecto e natureza desta subvención, a persoa beneficiaria deberá xustificar a aplicación dos fondos mediante a presentación dunha conta xustificativa simplificada.



A conta xustificativa simplificada presentarase no anexo I e incluírá:

a) Memoria do cumprimento das condicións da axuda, establecidas na letra a) do artigo 23 e na que se inclúa detalle doutras axudas, no seu caso, conforme o artigo 23 apartado d) desta orde. Nesta memoria recollerase tamén sucintamente unha descrición do obxecto e actividade desenvolvida pola persoa solicitante, para a cal solicita a axuda .

b) Relación clasificada dos investimentos realizados desde o 1 de xullo de 2024 ata a data de solicitude, identificando o nome do proveedor, o número de factura, o concepto subvencionable, a data de emisión, a data de pagamento e o seu importe sen IVE.

O pagamento deberá estar efectuado mediante transferencia ou ingreso bancario.

A persoa beneficiaria está obrigada a conservar toda a documentación xustificativa dos gastos e achegala se fose requirida na fase de verificación da axuda ou en calquera control posterior.

4. Así mesmo, para xustificar a aplicación dos fondos, a persoa beneficiaria deberá achegar a seguinte documentación:

a) Reportaxe fotográfica, preferentemente en cor, de todos os investimentos obxecto da axuda, incluídas as obras executadas, de ser o caso.

b) No suposto de terse realizado obras de reforma e/ou habilitación das instalacións do local do negocio, deberá presentar licenza de obras ou, se é o caso, de comunicación previa, cunha declaración responsable de que non foi requirido/a polo concello para a súa emenda.

c) No suposto de gastos de alugamento do local ou centro de traballo, deberá achegar copia do contrato de alugamento xunto coas facturas xustificativas de terse realizado o pagamento deste.

5. A verificación dos gastos recollidos na relación anterior poderase realizar a través da técnica de mostraxe sobre, como mínimo, o 20 % dos expedientes de concesión, que permitan obter evidencia razoable sobre a adecuada aplicación da axuda, para cuxo fin se lle poderá requirir á persoa beneficiaria a presentación dos correspondentes xustificantes de gasto e demais documentación que proceda.

CVE-DOG: 3f1wlr8-60f4-i472-vbn0-t63vkkpt4r62



6. A determinación dos gastos subvencionables realizarase conforme o establecido no artigo 29 da Lei 9/2007, do 13 de xuño. Considéranse gastos subvencionables aqueles que, de xeito indubidable, respondan á natureza da actividade subvencionada e se realicen no prazo de execución establecido nesta orde.

7. As facturas deberán cumprir os requisitos establecidos no Real decreto 1619/2012, do 30 de novembro, polo que se aproba o regulamento polo que se regulan as obrigas de facturación, e deberán estar emitidas a nome da entidade ou empresa solicitante dentro do prazo de execución establecido na convocatoria. As facturas presentaranse en calquera das linguas oficiais de Galicia ou, no seu caso, acompañadas da tradución oficial.

As facturas deberán describir con claridade os conceptos e cantidades, así como prezo unitario, e incluírán o imposto sobre o valor engadido (IVE) que sexa de aplicación.

O importe mínimo das facturas que poderán terse en conta nesta orde será de 300 € IVE excluído.

8. Só se admitirá como documentación xustificativa do pagamento dos gastos os documentos bancarios en que consten o número de conta e a titularidade das persoas receptoras e emisoras dos pagamentos (que deberán coincidir coas beneficiarias das axudas), así como o concepto e o importe (IVE incluído) do pagamento. Os mesmos datos deberán constar no caso de xustificantes bancarios emitidos a través da internet ou procedentes de pagamentos con tarxeta. Os datos do xustificante bancario de pagamento deberán coincidir exactamente cos da factura. Se o importe reflectido no documento bancario non coincide por existiren varios pagamentos agrupados, deberase presentar unha desagregación na que se poidan identificar os pagamentos en cuestión.

Non se admitirán os pagamentos en efectivo.

9. A unidade administrativa responsable da instrución deste procedemento analizará a documentación xustificativa acreditativa da realización da actividade obxecto da subvención e emitirá unha proposta de pagamento que se elevará ao órgano competente para resolver, que será tamén o órgano competente para ordenar o pagamento.

10. O pagamento efectuarase de forma nominativa a favor das persoas ou entidades beneficiarias e logo da acreditación dos gastos e pagamentos realizados, ata o tope máximo da contía establecida en función do investimento.

CVE-DOG: 3f1wlrc8-60f4-i472-vbn0-t63vkkpt4r62



11. En ningún caso poderá realizarse o pagamento da subvención mentres a persoa beneficiaria non figure ao día no cumprimento das súas obrigas tributarias, estatais e autonómicas, e fronte á Seguridade Social, teña pendente de pagamento algunha outra débeda coa Administración pública da Comunidade Autónoma ou sexa debedora en virtude de resolución declarativa de procedencia de reintegro.

Artigo 28. Seguimento e control. Comunicación de fraudes e irregularidades

1. Sen prexuízo das facultades que teñan atribuídas outros órganos da Administración, a Consellería de Emprego, Comercio e Emigración levará a cabo funcións de control, avaliación e seguimento.

2. Para realizar as ditas funcións, poderá utilizar cantos medios estean á súa disposición para comprobar, en todo momento, a aplicación das subvencións concedidas aos fins programados e o cumprimento dos requisitos exixidos nesta orde e demais normas vixentes que resulten de aplicación. Para estes efectos as persoas ou entidades beneficiarias deberán cumprir as obrigas de comprobación que se establecen nesta orde e na resolución de concesión.

3. A Consellería de Emprego, Comercio e Emigración poderá requirir en todo momento a documentación orixinal que se considere necesaria para acreditar con precisión o exacto cumprimento.

4. Con independencia do disposto nos puntos anteriores, calquera persoa que teña coñecemento de feitos que puideran ser constitutivos de fraude ou irregularidade en relación con proxectos ou operacións financiados no marco da presente orde poderá poñer os ditos feitos en coñecemento da Xunta de Galicia, a través da Canle de denuncias da Xunta de Galicia, de comunicación de información en materia de integridade institucional, dispoñible na seguinte ligazón: <https://transparencia.xunta.gal/canle-de-denuncias>

5. No control e loita contra a fraude, a Dirección Xeral de Traballo Autónomo e Economía Social actuará de conformidade co establecido no seu Plan específico de prevención de riscos de xestión e medidas antifraude, que é de aplicación a esta convocatoria. A ligazón ao citado plan no Portal de transparencia e Goberno aberto da Xunta de Galicia é a seguinte: <https://ficheiros-web.xunta.gal/transparencia/plans/antifraude/emprego-comercio-emigracion/plan-antifraude-dxtaes-2024.pdf>

CVE-DOG: 3f1wlrc8-60f4-i472-vbn0-t63vkkpt4r62



Convocatoria de subvencións para a anualidade de 2025**Artigo 29. Convocatoria**

Convócanse para a anualidade de 2025 as subvencións para apoiar iniciativas de emprendemento de persoas traballadoras autónomas e pequenas e medianas empresas iniciadas desde o 1 de xaneiro de 2023, de acordo co regulado polas bases contidas nesta orde.

Artigo 30. Presentación de solicitudes

As axudas previstas nesta convocatoria poderanse solicitar desde o oitavo día natural seguinte ao da publicación desta orde no *Diario Oficial de Galicia* ata o 30 de xuño de 2025, agás no caso de que se produza o esgotamento do crédito.

No suposto de que antes de finalizar o prazo de presentación de solicitudes se produci-se o esgotamento do crédito establecido na convocatoria, o órgano concedente acordará a inadmisión de solicitudes presentadas con posterioridade e publicará tal circunstancia no DOG e na páxina web da consellería.

Artigo 31. Período de execución das accións

O período de execución de accións abranguerá desde o 1 de xullo de 2024 ata a data da presentación da solicitude.

Os investimentos subvencionables deberán estar realizados no período de execución indicado e as facturas deberán estar emitidas e pagadas no dito período.

Os investimentos subvencionables deberán estar realizados e pagados con posterioridade á constitución ou alta, segundo a natureza xurídica da entidade de que se trate, e iniciada a súa actividade.

Disposición adicional primeira. Delegación de competencias

Apróbase a delegación de atribucións da persoa titular da Consellería de Emprego, Comercio e Emigración na persoa titular da Dirección Xeral de Traballo Autónomo e Economía Social para resolver a concesión ou denegación das subvencións previstas nesta orde, para autorizar, dispor, recoñecer a obriga e propor os correspondentes pagamentos,



así como para resolver os procedementos de reintegro das subvencións indebidamente cobradas, respecto das resolucións de concesión de que derivan.

Disposición adicional segunda. *Base de datos nacional de subvencións*

De conformidade co previsto no artigo 20.8.a) da Lei 38/2003, do 17 de novembro, xeral de subvencións, transmitirase á Base de datos nacional de subvencións a información requirida por esta, o texto da convocatoria para a súa publicación na citada base e o seu extracto no *Diario Oficial de Galicia*.

Disposición derradeira primeira. *Desenvolvemento normativo*

Facúltase a persoa titular da Dirección Xeral de Traballo Autónomo e Economía Social para que dite, no ámbito das súas competencias, as resolucións e instrucións necesarias para o desenvolvemento e cumprimento desta orde.

Disposición derradeira segunda. *Entrada en vigor*

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 28 de abril de 2025

José González Vázquez
Conselleiro de Emprego, Comercio e Emigración

CVE-DOG: 3f1wlrc8-60f4-i472-vbn0-t63vkkpt4r62



XUNTA
DE GALICIACONSELLERÍA DE
EMPREGO, COMERCIO
E EMIGRACIÓN

ANEXO I

PROCEDEMENTO AXUDAS AO EMPREENDEMENTO	CÓDIGO DE PROCEDEMENTO TR880A	DOCUMENTO SOLICITUDE
--	---	-------------------------

DATOS DA PERSOA SOLICITANTE							
IDENTIFICACIÓN							
TIPO	NÚM.		PAÍS EMISOR				
NOME/RAZÓN SOCIAL	PRIMEIRO APELIDO		SEGUNDO APELIDO				
ENDEREZO							
PAÍS							
TIPO	NOME DA VÍA		NÚM.	BLOQ.	ANDAR	PORTA	
CÓDIGO POSTAL	PROVINCIA	CONCELLO		LOCALIDADE			
CONTACTO							
PREFIXO	TELÉFONO 1	PREFIXO	TELÉFONO 2				
CORREO ELECTRÓNICO							

E, NA SÚA REPRESENTACIÓN (deberá acreditarse a representación fidedigna por calquera medio válido en dereito)							
IDENTIFICACIÓN							
TIPO	NÚM.		PAÍS EMISOR				
NOME/RAZÓN SOCIAL	PRIMEIRO APELIDO		SEGUNDO APELIDO				

DATOS PARA OS EFECTOS DE NOTIFICACIÓN		
Todas as notificacións ás persoas interesadas se realizarán só por medios electrónicos a través do Sistema de notificación electrónica de Galicia - Notifica.gal (https://notifica.xunta.gal).		
Só se poderá acceder á notificación co certificado electrónico ou Chave365.		
Enviaranse avisos da posta á disposición da notificación no correo electrónico e/ou teléfono móbil facilitados a seguir e que poderán cambiar en calquera momento a través de Notifica.gal:		
PREFIXO	TELÉFONO MÓBIL	CORREO ELECTRÓNICO

XUNTA
DE GALICIA

ISSN1130-9229

Depósito legal C.494-1998

<https://www.xunta.gal/diario-oficial-galicia>


**XUNTA
DE GALICIA**
**CONSELLERÍA DE
EMPREGO, COMERCIO
E EMIGRACIÓN**
**ANEXO I
(continuación)**
DATOS BANCARIOS
☐ Formato IBAN

☐ Formato BIC

Declaro baixo a miña responsabilidade que son certos os datos consignados relativos á conta bancaria indicada.

TITULAR DA CONTA

NÚMERO DE CONTA BANCARIA (24 DÍXITOS)

IBAN

PERFIL SOLICITANTE
☐ AUTÓNOMO/PROFESIONAL

☐ COOPERATIVA

☐ SOCIEDADE LABORAL

☐ SOCIEDADE MERCANTIL

☐ SOCIEDADE CIVIL

☐ COMUNIDADE DE BENS

☐ MUTUALISTA

☐ OUTROS

DESCRIPCIÓN DO PROXECTO

Breve descripción do proxecto que se presenta


**XUNTA
DE GALICIA**

ISSN1130-9229

Depósito legal C.494-1998

<https://www.xunta.gal/diario-oficial-galicia>


**XUNTA
DE GALICIA**
**CONSELLERÍA DE
EMPREGO, COMERCIO
E EMIGRACIÓN**
**ANEXO I
(continuación)**

DATOS ACTIVIDADE			
DATA DE ALTA NO IAE			
DATA DE CONSTITUCIÓN DA EMPRESA/ENTIDADE OU ALTA COMO AUTÓNOMO/A			
ACTIVIDADE	CÓDIGO CNAE 2009 DA ACTIVIDADE PRINCIPAL	EPÍGRAFE CNAE	

CVE-DOG: 3f1wlrc8-60f4-i472-vbn0-t63vkkpt4r62


**XUNTA
DE GALICIA**

ISSN1130-9229

Depósito legal C.494-1998

<https://www.xunta.gal/diario-oficial-galicia>

**XUNTA
DE GALICIA****CONSELLERÍA DE
EMPREGO, COMERCIO
E EMIGRACIÓN****ANEXO I
(continuación)****PERSOAS TRABALLADORAS NA DATA DA SOLICITUDE**

Nº centros traballo

Nº de persoas traballadoras

Nº DE MULLERES

Nº DE HOMES

OUTROS

NEGOCIO OBXECTO DE REMUDA (transmisión de negocio en funcionamento por incapacidade permanente total, absoluta ou grande invalidez, por xubilación, por proximidade da idade de xubilación ou por falecemento do/da titular anterior):

O/a solicitante foi beneficiario/a dunha subvención concedida en virtude da Orde do 23/05/2024 pola que se establecen as bases reguladoras e se convocan para o ano 2024 as axudas do bono Remuda para o fomento do traspaso de negocio pola remuda xeracional de negocios (código de procedemento TR353D)

☐ SI ☐ NON**XUNTA
DE GALICIA**


**XUNTA
DE GALICIA**
**CONSELLERÍA DE
EMPREGO, COMERCIO
E EMIGRACIÓN**
**ANEXO I
(continuación)**

CONCEPTOS E IMPORTES DO INVESTIMENTO OU GASTO							
Nº DE ORDE	Concepto subvencionable (artigo 6 das bases reguladoras)	Descrición do investimento	Número de factura	Data da factura	Data de pagamento da factura	Importe da factura sen IVE	
						TOTAL	


**XUNTA
DE GALICIA**

ISSN1130-9229

Depósito legal C.494-1998

<https://www.xunta.gal/diario-oficial-galicia>

XUNTA
DE GALICIACONSELLERÍA DE
EMPREGO, COMERCIO
E EMIGRACIÓNANEXO I
(continuación)

ELECCIÓN ENTRE 3 OFERTAS, se é o caso

Referencia os investimentos posteriores á data da publicación da convocatoria cando o importe do investimento subvencionable superase a contía prevista para o contrato menor, é dicir, investimento cun importe igual ou superior a 15.000 €, no caso de prestación do servizo ou adquisición do ben, e cun importe igual ou superior a 40.000 €, no caso da execución dunha obra (artigo 11 das bases reguladoras):

CONCEPTO SUBVENCIONABLE	EMISOR	DATA DA OFERTA	IMPORTE DA OFERTA	OFERTA SELECCIONADA
				☐
				☐
				☐
				☐
				☐
				☐

Para aqueles casos nos cales non se escollese a opción máis económica de entre as tres ofertas, detalle no seguinte cadro a motivación da elección:

IMPORTE TOTAL DA AXUDA SOLICITADA (cóbreo automaticamente a Administración)

CONCEPTOS SUBVENCIONABLES (artigo 6 bases reguladoras)	IMPORTE DA FACTURA SEN IVE	% DA AXUDA SEGUNDO O TOTAL DO INVESTIMENTO	INCREMENTO 10 % BENEFICIARIO/A BONO REMUDA 2024	TOTAL INVESTIMENTO SOLICITADO
1. Equipamento informático				
2. Activos intanxibles (que non teñen unha materialización física ou financeira)				
3. Investimentos en eficiencia enerxética				
4. Adquisición de bens de equipamento e mobiliario			☐	
5. Reforma e habilitación das instalacións do local de negocio				
6. Adquisición de activos pertencentes a un establecemento ou de bens de equipamento de segunda man				
SUBTOTAL 1				
7. Gastos notariais e/ou rexistrals				
8. Gastos de alugamento de inmobles para a realización da actividade			☐	
SUBTOTAL 2				
TOTAL AXUDA				

A contía da axuda terá as seguintes porcentaxes de intensidade en función do rango de investimento total realizado.

- Con investimentos de 5.000 € ou máis ata un límite de 20.000 €, a contía da axuda será do 55 % do investimento.
- Con investimentos de 20.001 € ou máis ata un límite de 30.000 €, a contía da axuda será do 50 % do investimento.
- Con investimentos de 30.001 € ou máis ata un límite de 60.000 €, a contía da axuda será do 45 % do investimento.
- 10 % adicional para beneficiarios/as do procedemento TR353D-bono Remuda, convocatoria 2024.

XUNTA
DE GALICIA

ISSN1130-9229

Depósito legal C.494-1998

<https://www.xunta.gal/diario-oficial-galicia>

**XUNTA
DE GALICIA****CONSELLERÍA DE
EMPREGO, COMERCIO
E EMIGRACIÓN****ANEXO I
(continuación)****MEMORIA DE CUMPRIMENTO DAS CONDICIÓNS DE AXUDA**

Memoria explicativa a que se refire o artigo 27.3.a) da orde (entre outros aspectos, deberá constar a actividade obxecto da solicitude de axuda, investimentos para os que se solicita a axuda e a súa relación coa actividade subvencionable, enderezo do local de negocio, ...):

RELACIÓN INVESTIMENTOS/GASTOS REALIZADOS DESDE O 1 DE XULLO DE 2024 ATA A DATA DA SOLICITUDE - artigo 27.3.b) da orde

NOME DO PROVEDOR	Nº FACTURA	CONCEPTO SUBVENCIONABLE	DATA DE EMISIÓN	DATA DE PAGAMENTO	IMPORTE (SEN IVE)	



XUNTA
DE GALICIACONSELLERÍA DE
EMPREGO, COMERCIO
E EMIGRACIÓNANEXO I
(continuación)

A PERSOA SOLICITANTE OU REPRESENTANTE DECLARA:

1. Que, en relación con outras axudas concedidas ou solicitadas:

- ☐ Non solicitou nin se lle concedeu ningunha outra axuda para este mesmo proxecto ou conceptos para os cales se solicita esta subvención.
- ☐ Si solicitou e/ou se lle concederon outras axudas para este mesmo proxecto ou conceptos para os cales se solicita esta subvención, que son as que a seguir se relacionan:

ORGANISMO	IMPORTE (€)

2. Que, en relación coas axudas *de minimis*:

- ☐ Non solicitou nin se lle concedeu ningunha axuda *de minimis*.
- ☐ Si solicitou e/ou se lle concederon axudas *de minimis*, que son as que a seguir se relacionan:

ORGANISMO	ANO	DISPOSICIÓN REGULADORA	IMPORTE (€)

Así mesmo, comprométese a comunicar inmediatamente cantas axudas solicite e/ou obteña en réxime *de minimis* doutras administracións públicas ou doutros entes públicos, nacionais ou internacionais, a partir da data desta declaración.

3. Ter domicilio fiscal en Galicia.

4. Que todos os datos contidos nesta solicitude e nos documentos que se achegan son certos.

5. Que a persoa solicitante ten a capacidade administrativa, financeira e operativa para cumprir as condicións da axuda.

6. Non está incursa en ningunha das circunstancias previstas no artigo 13 da Lei 38/2003, do 17 de novembro, xeral de subvencións.

7. Non estar incursa en ningunha clase de inhabilitación para a obtención de axudas previstas no artigo 10 da Lei 9/2007, do 13 de xuño, de subvencións de Galicia.

8. Estar ao día no pagamento de obrigas por reintegro de subvencións, conforme o artigo 10.2.g) da Lei 9/2007, do 13 de xuño, de subvencións de Galicia, e o artigo 9 do regulamento de subvencións de Galicia, aprobado polo Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

9. Que a entidade solicitante non está incursa en ningunha das circunstancias previstas no artigo 5.2.f) da orde de convocatoria.

10. Que a entidade solicitante cumpre o réxime de compatibilidades e concorrencia sinalado no artigo 22 das bases reguladoras.

11. Que a entidade solicitante acepta as obrigas reguladas nesta orde para ser beneficiaria da axuda, así como a aceptación da axuda.

12. Que se someterá ás actuacións de control, comprobación ou inspección que efectuará a Consellería de Emprego, Comercio e Emigración e ás de control financeiro que lles corresponda, se é o caso, á Intervención Xeral da Comunidade Autónoma, ás previstas na lexislación do Tribunal de Contas e do Consello de Contas, e ás que lle correspondan a outros órganos da Administración do Estado.

13. Que ten depositado no rexistro correspondente ou aprobadas pola asemblea xeral, segundo corresponda, as contas anuais do último exercicio.

14. Que cumpre cos demais requisitos establecidos no artigo 5 desta orde.

XUNTA
DE GALICIA

ISSN1130-9229

Depósito legal C.494-1998

<https://www.xunta.gal/diario-oficial-galicia>

XUNTA
DE GALICIACONSELLERÍA DE
EMPREGO, COMERCIO
E EMIGRACIÓNANEXO I
(continuación)

DOCUMENTACIÓN QUE SE PRESENTA OU XA PRESENTADA CON ANTERIORIDADE

☐ Censo de obrigados tributarios da Axencia Estatal de Administración Tributaria (modelo 036 ou 037) e certificado censual, nos que debe figurar a data da alta (ou alta previa, de ser o caso), o domicilio fiscal e a localización do establecemento da actividade.

☐ Facturas e o seu correspondente xustificante bancario de pagamento.

☐ Certificado de alta no colexio profesional, con indicación de se presupon ou non exercicio da actividade, e certificado da mutualidade do colexio profesional, indicando períodos de alta na dita mutualidade, no caso das persoas mutualistas.

	ÓRGANO	CÓD. PROC.	ANO
☐ Poder suficiente da persoa representante para actuar en nome da persoa representada, agás inscrición no Rexistro Electrónico Xeral de Apoderamentos de Galicia e no Rexistro autonómico de persoas titulares de determinados órganos ou cargos.			
☐ Contrato ou documento de creación da comunidade de bens, sociedade civil ou entidades sen personalidade xurídica onde conste a porcentaxe de participación das persoas socias ou comeneiras, se é o caso			

DOCUMENTACIÓN XUSTIFICATIVA

☐ Reportaxe fotográfica, preferentemente en cor, de todos os investimentos obxecto da axuda, incluídas as obras executadas, no seu caso (artigo 27.4.a) da orde).

☐ Licenza de obras ou, se é o caso, de comunicación previa, e declaración responsable de que non existe requirimento polo concello para a súa emenda, no suposto de terse realizado obras de reforma e/ou habilitación das instalacións do local de negocio (artigo 27.4.b) da orde).

☐ Contrato de alugamento do inmovible e facturas xustificativas do seu pagamento, no suposto de gastos de alugamento do local ou centro de traballo (artigo 27.4.c) da orde).

AUTORIZACIÓN

Autorizo que se me remita información doutros programas ou futuras accións promovidas pola Dirección Xeral de Traballo Autónomo e Economía Social

☐ SI ☐ NON

COMPROBACIÓN DE DATOS

Os documentos relacionados serán obxecto de consulta ás administracións públicas. No caso de que as persoas interesadas se opoñan a esta consulta, deberán indicalo no recadro correspondente e achegar unha copia dos documentos.	OPÓÑOME Á CONSULTA
DNI/NIE da persoa solicitante	☐
DNI/NIE da persoa representante	☐
Consulta de vida laboral nos últimos 12 meses	☐
Certificado de estar ao día nas obrigas coa Axencia Tributaria de Galicia	☐
Certificación de estar ao día nas obrigas coa Tesouraría Xeral da Seguridade Social	☐
Consulta de inhabilitacións para obter subvencións e axudas	☐
Consulta de concesións de subvencións e axudas	☐
Consulta de concesións pola regra <i>de minimis</i>	☐
Consulta da condición de beneficiaria da subvención concedida o abeiro da Orde do 23.5.2024 axudas do bono Remuda (código de procedemento TR353D)	☐
CONSENTIMENTO PARA A COMPROBACIÓN DE DATOS A persoa interesada autoriza a consulta a outras administracións públicas dos seguintes datos. De non autorizar a consulta, deberá achegar o documento correspondente.	AUTORIZO A CONSULTA
NIF da entidade solicitante	☐ Si ☐ Non
NIF da entidade representante	☐ Si ☐ Non
Consulta de alta no imposto de actividades económicas da persoa solicitante (IAE)	☐ Si ☐ Non
Certificación de estar ao día nas obrigas coa Axencia Estatal de Administración Tributaria (AEAT)	☐ Si ☐ Non
Certificado de domicilio fiscal	☐ Si ☐ Non

XUNTA
DE GALICIA

ISSN1130-9229

Depósito legal C.494-1998

<https://www.xunta.gal/diario-oficial-galicia>

XUNTA
DE GALICIACONSELLERÍA DE
EMPREGO, COMERCIO
E EMIGRACIÓNANEXO I
(continuación)

INFORMACIÓN BÁSICA SOBRE A PROTECCIÓN DE DATOS PERSOAIS

Responsable do tratamento	Xunta de Galicia. Consellería de Emprego, Comercio e Emigración.
Finalidades do tratamento	Tramitar este procedemento, verificar os datos e documentos que a persoa interesada achegue na súa solicitude para comprobar a exactitude destes, levar a cabo as actuacións administrativas que deriven e informar sobre o estado de tramitación. Así mesmo, os datos persoais inclúiranse na Carpeta cidadá de cada persoa interesada para facilitar o acceso á información, tanto persoal como de carácter administrativo.
Lexitimación para o tratamento	O cumprimento dunha misión realizada en interese público ou no exercicio de poderes públicos derivada dunha competencia legalmente atribuída ao responsable do tratamento, así como o cumprimento de obrigas legais impostas ao dito responsable (artigo 6.1, letras c) e e), do RXP, e 8 da Lei orgánica 3/2018, do 5 de decembro, de protección de datos persoais e garantía dos dereitos dixitais). En concreto, a competencia e obrigas previstas nos preceptos básicos da Lei 38/2003, do 17 de novembro, xeral de subvencións, e da Lei 19/2013, do 9 de decembro, de transparencia, acceso á información pública e bo goberno, así como na Lei 9/2007, do 13 de xuño, de subvencións de Galicia; na Lei 39/2015, do 1 de outubro, do procedemento administrativo común das administracións públicas; na Lei 1/2016, do 18 de xaneiro, de transparencia e bo goberno, e na Lei 4/2019, do 17 de xullo, de administración dixital de Galicia.
Destinatarios dos datos	As administracións públicas no exercicio das súas competencias. A Dirección Xeral de Cohesión e Fondos Europeos da Consellería de Facenda e Administración Pública coa finalidade de realizar a xestión, seguimento, información, control, coordinación e estudo da execución e avaliación dos programas operativos dos fondos procedentes da Unión Europea na súa condición de organismo intermedio dos programas operativos en virtude das funcións atribuídas pola autoridade de xestión dos programas operativos segundo o disposto nos artigos 125, apartado 2, artigo 140, apartados 3 a 5, e anexo XIII, apartado 3, do Regulamento (UE) nº 1303/2013 e as súas disposicións de desenvolvemento.
Exercicio de dereitos	As persoas interesadas poderán solicitar o acceso, rectificación, oposición, limitación, portabilidade e supresión dos seus datos ou retirar, se é o caso, o consentimento outorgado a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común, segundo se recolle en (https://www.xunta.gal/exercicio-de-dereitos).
Contacto coa persoa delegada de protección de datos e máis información	(https://www.xunta.gal/informacion-xeral-proteccion-datos)

LEXISLACIÓN APLICABLE

Orde do 28 de abril de 2025 pola que se establecen as bases reguladoras das subvencións para apoiar iniciativas de emprendemento e se procede á súa convocatoria para a anualidade de 2025 (código de procedemento TR880A).

SINATURA DA PERSOA SOLICITANTE OU REPRESENTANTE

Lugar e data

 , de de

Dirección Xeral de Traballo Autónomo e Economía Social

XUNTA
DE GALICIA

ISSN1130-9229

Depósito legal C.494-1998

<https://www.xunta.gal/diario-oficial-galicia>